

Kumentáriu Individual/Membrus di Konsehu di Justisa Ambiental sobri Draft MassEEA EJ Strategy

Pa bem ser referensiadu duranti diskuson di Riunion di EJC di 8 di Fevereru
(Atribuison di autoris foi retiradu)

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
Stratégias di EJ na EEA (Página 1)				
1	Prupóritu y Utilizason	Dokumentu é longu y obsoletu. Tem txeu informason, tátikas y stratégias artikuladu, mas sa falta um “elo di ligason ki ta unis tudu”. Kal ke vizon? Modi ki keli ta bem midjora agensias y Kumunidade em geral? Pamodi ki pisoas debi priokupa?		
2	Prupóritu y Utilizason	Konsidera um ou dós projetus piloto ki podia daba vida a stratégias y entuziasma konstituintis externus y internu ku poder di stratégia		
3	Geral (definisons)	Konsolida definisons previamenti – mutu txeu redundansia na kada sekson ki ta serba máz asesivel si fosi konsolidadu previamenti y dimonstra midjor ma é um stratégia kuerenti na tudu parti finsional di Estadu.		
4	Involvimentu di Kumunidade	Tem bankadas representative di eskritóriu na tudo Estadu, txiga na povu. Talvez keli ta bem djuda na trabadju ki kordenadoris di MVP sa fazi na várius rigion.		
5	Mididas	Stratégias atualmenti ta afirma ma: “Pa kumpanha prugresu na direson di sis objetivu di EJ, EEA stabilesi medidas pa kumpanha distribuison justu di binifisius na sis prugramas. EEA ta bem publika es konkluzons na si rilatóriu anual y ê ta bem inklui mididas di EJ y prugresu pa agensias, eskritorius y prugramas di EEA. Alguns kritérius ki podi ser konsideradu, pa além di otus é siguinti: • Dispezas di agensias pa anu fiskal pa sirvisus di traduson y interpretason linguistika • Dispezas di agensias y di prugramas di anu fiskal pa prujetus ki ta benefisia bairus di EJ • Número di formason di EJ organizadu y frikuentadu pa EEA y sis agensias • Kontratason di informason demografiku • Número di reunion públiku organizadu na bairus di EJpa EEA y sis agensias.”		Observa Matriz di pagina 12

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
		Nha intendimentu é ma kel rilatóriu li <u>ta aplika a tudu sikretariadus ou agensias di EEA. Kada um des mididas <u>debi ser dizagregadu pa agensia/sikretariadu, objetivu di prugrama, y lokalizason ou kumunidade spsisifku.</u></u> Konsikuentemnti, konsidera mudansas di “podi” pa “debi”?		
6	Mididas	Importanti pa midir rezultadus di prujetus (ka so rezultadus) ki sa em kursu (pur izemplu, atribuison di finansiamentu, ason di izekuson, sitason di disizons) pa intendi kuze ki sa kontise e na undi, independentemnti di razon pa kual sa kontisi.		
7	Mididas	É importante pensa na definision di mididas pa rezultadus ki nu ta pridentri alkansa. Ta ser pusibel fazi um mapiamentu ku bazi na objetivus y rezultadus di stratégia? Nka odja des forma kuandu n’lêl. Impaktu ambiental globval, emison pa kada bairu, modi ku nu podi mapia keli? Nu podi konsidera um ekilibriu kuretu di mididias. Kal ke prinsipal kuzas ki nu sa tenta fazi kontisi y modi ki mididas ta inter rilasona?		
8	Geral y Mididas	Agensias spsisifku debi ser inkluidu nma stratégias num pruporson más grandi (pur izemplu., DOT, DHCD, DPH)?		
9	Prupóritu y Utilizason	Dokumento ta diklara ma “Es stratégias sa sujeitu a alterason sem kualker avizu préviu obligatóriu...” Alterason nes stratégias debi ser kumpanhadu di algum tipu di avizu ou, pelo menus, di dokumentason. Ka é pusibel risponsabiliza EEA si stratégias ka stiver dokumentadu y disponibel.		
10	Involvimentu di Kumunidade	Konsidera paga kumunidade pes involve na prusesu di lisensiamentu – nem tudu es tem disponibilidad di finanseru pa partisipa y keli podia ser um obstakulu a involvimentu.		
11	Geral	Kria stratégias regional pa diferentis parti di Estadu – identifikandu kal ke prinsipal dizafius di EJ y modi ki dipartamentus podi trabadja em kolaborason pa abordar.		
12	Involvimentu di Kumunidade	Língua é txeu mensionadu, sima també utilizason di teknologia. Pa além di asesu a líguas y di utilizason di redis sosial, debi krisentadu utilizason di meius alternativus y étnikus/multilinguistikus, inkluidu plataformas diferenti di redis sosial. Utilizadu pa grupus di imigrantis.		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
13	Formason	Na dokumentu tem riferênsias di formasons ki é ou ta bem ser dadu a funsionáriu. Kenha ki kria es formasons? Izisti kurikulo? Formasons é atualizadu ou izigidu ku algum regularidad?		
14	Kumité di Agensias di EJ	Más importanti é ma kumités di EJ di agênsias teni objetivus y prupóztus klaru pa sis reunion y pa kel kes sa spera konkretiza.		
15	Atualizason Priódiku a Stratégias	Konsedju di Instalason di Inergia (EFSB) fazi riferênsia a um rivison priodik (ka menus fikuenti ki 2 anu) di stratégia di EJ. Di mesmu forma, DPU ta bem rializa um rivison priodik (ka menus di 2 anu) di midjoris pratikas na implementason di stratégias di dipartamentu. EEA y otus agensias dentu di mesmu dipartamentu debi konsidera fazi emsmu kuza na mesmu prazu y dilínia nivel di kontribuison publiku pa rivison priodika.		
16	Rikursus di Estadu	Modi ki Estadu ta bem garantyi izistênsia di funsionáriu adikuadus pa leba avanti es atividadis?		
17	Rikursus di Estadu	Kuze ki signifika termo “distribuison justu”? Ta parsi importanti difini di algum forma, spesialmenti na ki ta fla respetu a subsidiason y otus tipu di investmentus. Kumunidades di EJ sta storikament y atualmenti privadu di sis direitus, pur isu nta difendi ma rikursus debi ser distribuidus di forma a ripara es danu ki Estadu kauza na pasadu.		
18	Mididas	Di modo geral, stratégias di EEA, y stratégias di váriu sekretariadus y agensias kontribuintis, ta ofiresi kompromisu sólidu pa prusesu ekitativu y transparenti (pur izemplu, partisipason y divulgason publiku). Debia tem <u>máz klareza na kompromisu di siguimentu, medison y komunikason di ekuidadi di rizultados</u> .		
19	Mididas	Kada regra, kada sekretariadu ou agensia debi riporta gastus y atividadis total y relativus (istu é, persentase/pruporson/per kapita). Debi ser pusivel determina ka so kantu ki gastadu ou ki fazu na kumunidades di EJ individualmenti y na kumunidades di EJ komu grupu, más també modi ki dinheru ou atividadis ta komparadu na Estadu komu um todú y ku kumunidades ki ka ta pertensi a EJ.		
20	Mididas	Mididas tem tendensia a konsentra na rizultadus versu rializason (sima komunikason di numeru di formasons versus si partis interesadu sa xinti inkluidu na respetadu na prusesu).		
21	Mididas	Izisti nisisdadi di um midida máz sentardu na rizultadus. Txeu des mididas sa sentradu na auemntu di partisipason y otus prusesus, kel ke importanti más ka		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
		é sufisienti. Nta gostaba di odja algnun mididas em volta di kuze k usa bem muda ou midjora na kumunidades di EJ ku es esforso.		
22	Mididas	Artikula kal ke risultadus ki sa prokuradu y dipos ritrosedi na kadeia di mididas ki ta indika es risultadu.		
23	Mididas	Podi izisti objetivus em volta di distribuison di rikursus sima inisiativa Justisa 40 di Governo Federal?		
24	Mididas	Akresenta satisfason ku sirvisus di traduson di linguas komo mididas. Pur izemplu, Kumison di Instalason di Inergia (EFSB) sugeri um midida di númeru di kumentarius puzitivus/nbegativus risebedu relativamenti a kualidadi di tradusons/interpretasns ki otus agensias podia adota.		
25	Mididas	Akresenta um midida pa persentase demografiku di funsionáriu di agensias.		
26	Mididas	Akresenta valor total do subsidiason kosededu a populason di EJ.		
Stratégia di EJ di Gabinete di Geston do Zonas Kostera (Pagina 20)				
27	Rikursus di Estadu y Mididas	Dispezas y otus atividadis debi ser komunikadu tantu na total komo em rilason a total di dispezas pa tudu kumunidades ou na tudu grupus kumunitáriu		
28	Mididas	Nisisidadi di alguns mididas konkretu		
29	Formason	Kompuneti di formason di funsionáriu é importanti.		
Stratégia di EJ di Gabinete di Aplikason di Lei di Pulisia Ambiental di MA (Pagina 28)				
30	Mididas	Debi fornese dadus sobri atividadis di izekuson pa lokalizason, razon y entidadi.		
31	Rikursus di Estadu	Manti dadus sobre numerus di funsionarius distakadu pa geri ou kontrola rikursus pa lokalizason		
Stratégia di Gabinete di EJn di Lei di Pulitika Ambiental di Massachusetts (MEPA) (Pagina 38)				
32	Geral	Adisiona lokalizason pa alem di numerus di prujetus pa prujetus di MEPA listadu na Munitor Ambiental		
33	Mididas	Analizi di impaktus di prujetus ta inklui algum analizi di impaktu sosioekonomiku?		
34	Involvimentu di Kumunidadi y Rikursus di Estadu	Ês tem pensadu txeu na language, alkansi di grupus izistenti, meius di komunikason alternative. Bons ideias. Kenha ki implementa? Ês tem funsionáriu pa implementa?		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
35	Involvimentu di Kumunidade	Modi ki MEPA interagi ku prusesus di rivizon munisipal? Alguns munisipius dizenvolvi bons prusedimentus, ligason a grupus lokal; MEPA podi dizenvolvi es prusesu através di trabadju y formason di funsionarius munisipal?		
36	Involvimentu di Kumunidade	Nu podi difini ku más klareza modi ki es prusesus publiku ta bem da voz signifikativu a kumunidade di EJ na aprovason/alterason di prujetus, mitigason, difinison di benifisius pa kumunidades?		
Stratégia di EJ di Gabinete di Asistênsia Técnica (OTA) (Pagina 47)				
37	Geral	Um bez ki OTA ta apoia empresas a també fazi divulgason djuntu di kumunidades, kal ke ekilibriu di trabadju nes dós frenti? Si más tempu for konsagradu a edukason y a apoiu a empresas, modi ki OTA ta garanti responsabilizason danti a kumunidade di EJ fase a tenson entri konsiderasons ekonomikas y a riduson di tóxicus?		
38	Mididas	Dispezas y otus atividades debi ser komunikadu tantu na total komo em rilason a total di dispezas pa tudu kumunidade ou na tudu grupus kumunitarius		
39	Mididas	É bom odja planu pa dizenvolvi mididas; izisti um analizi di bazi y alguns objetivus trasadu?		
Stratégia di EJ di Departamentu di Rikursus Agrikulas (MDAR) (Pagina 57)				
40	Geral	Nisisidadi di pensa na oferesi asistênsia pa HABITASON y TRANSPORTI di trabadjadoris agrikula		
41	Geral	Dadu forma modi ki akesismentu global sa ta disloka populason di insetus y animal, transformandu posivelmenti mas si Massachusetts susetivel a doensas transmitidu pa moskitus, pur izemplu, será ki investigason MDAR ta bem inklui abordage menus tóxicu a kontrole di pragas? Sugiri pa MDAR fazel.		
Stratégia di EJ di Departamentu di Rikursus di Konservason (DCR) (Pagina 67)				
42	Mididas	Grandis ideias pa partilha ku otus agencias: “ DCR sa també konsentradu na kaptura di investiemntus ki ta fazi propriedadis ki ka sta dentu du um kumunidade di EJ, mas ki ta sirtbi populason di EJ signifikativamenti. Reserva Estadual Horseneck Beach y Reserva di Blue Hills é bons izemplu pa vizita diariu. Nihum di kes propriedadi sa lokalizadu dentu di kumunidades di EJ, más txeu vizitantis ta bem di kumunidades di EJ.”		
43	Mididas	Rilatóriu sobri dimografia di utilizason, inkluidu di kumunidades di EJ		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
44	Mididas	Dispezas y otus atividades debi ser kumunikadu tantu na total Y em rilason a total di dispezas pa tudu kumunbidadi ou na tudu grupu kumunitáriu.		
45	Rikursus di Estadu	Dadu a nisisidadi di aumenta instalasóns y asesu a instalasóns rikreativus na kumunidades di EJ, modi ki DCR adkiri novus propiedades pa es finalidad, posivelmente di otus agensias di Estadu?		
Stratégia di EJ di Dipartamentu di Proteson Ambiental (MassDEP) (Pagina 77)				
46	Mididas	Numerus prujetus y prioridades distindadu a aborda kumunidades di EJ y propriu EJ, más ninhum diskrisión di kualker medida kuatifikavel ou di responsabilidad ou prugrasu		
47	Mididas	Dispezas, inspesons, izekuson y otus atividades debi ser kumunikadu tanto na total Y em rilason a total di atividades/dispezas pa tudu kumunidade ou na grupus kumunitáriu. Debi ser dizagregadu pa programa vinkuladu a lokal spisifku.		
Stratégia di EJ di Dipartamentu di Peska y kasa (Pagina 91)				
48	Mididas	Dispezas, inspesons, izekuson y otus atividades debi ser kumunikadu tanto na total Y em rilason a total di dispezas pa tudu kumunidade ou na grupus kumunitáriu.		
Stratégia di EJ di Dipartamentu di Rikursus Inergétikus (DER) (Pagina 100)				
49	Mididas	Dispezas, inspesons, izekuson y otus atividades debi ser kumunikadu tanto na total Y em rilason a total di dispezas pa tudu kumunidade ou na grupus kumunitáriu.		
Stratégia di EJ di Dipartamentu di Utilidadi Públika (DPU) (Pagina 109)				
50	Mididas	Izigi rilatórius pa EJ por parti di sirvisus publikus regulamentadu – sforsus, pulitikas, rizultadus (pur izemplu, Poupansa em masa di gastus pa klienti y/ou grupu di bairu).		
51	Mididas	Pa areas dentu/proximu di Kumunidades di EJ, rilatorius sobri kualidadi si sirvisus enérgétikus, riparasons ou melhorias (spesialmente GSEP), investmentus na efisensia inérgika, mididas di trasportu y siguransa di botijas di gás, y rizultadus di lokalizason di instalasóns inérgikas		
52	Mididas	Rilatórius sobri rizultadus debi ser tantu na total komo em rilason a restu di Estadu.		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
53	Involvimentu di Kumunidadi	Pa além di sirvisus di traduson linguistika, EEA debia konsidera modi ke ta aumnt aasesu através di um rizumu di arkivus/tistimunhu préviu na “language simplis”. Pur izemplu, audiências di taxa di DPU podi ser txeu tékniku y di natureza arkaika, partikularmente hora ki tistimunhas spesialisadu txomadu pa testifika. Es prusedimentu tem frikuentimenti impaktu nma tudu bazi di taxas di klientis ki, sem duvida, ta abrangi populasons di justisa ambiental.		
Stratégia di EJ di Instalason di Inergia (EFSB) (Pagina 117)				
54	Geral	Fornesi asesu a dados di apoiu a dizenvolvimentu di infra-estruturas inergetikas y disizons di lokalizason pa analizi imparcial, pa parti di terserus		
55	Mididas	Nisisidadi di mididas pa rizultadus di disizons di lokalizason na kumunidades di EJ y em tornu des em koparason ku restu di kumunidades - # y % di prujetus aprovaus versus prujetus negadu dizagregadu pa tipu y lokalizason.		
56	Involvimentu di Kumunidadi	Opinion prekose di populason afetadu pa prujetus ta pirmite um kapasitason mutu maior di inkorpora di forma rentavel y opinion na ambitu di prujetu, konsepsion y planus. Es kritisidadi é rikonhesidu pa rikizitu di pré-elaborason na protokolu di involvimentu públiku di MEPA pa Populasons di Justisa Ambiental. Embora stratégia di EFSB ta rikonhesi ma alguns prujetus ki antisedi kumison di seleson també é obrigadu a aprizenta MEPA, y des forma empreendi pré-envio públiku, EFSB debi konseidera adoson di um rikizitu simelhanti di pré-publikason pa tudu aplikason di EFSB. Otus agensias debi també konsidera spesifikasons di rikizitus simelhantis di “prusesu préviu” di involviemntu públiku pa prujetus ki tem impaktu na populasons di EJ.		
Stratégia di EJ di Sentru di Inergia Limpa (MassCEC) (Pagina 130)				
57	Mididas	Grandis ideias pa partilha ku otus agensias: Estabelesi “objetivus pa dispezas di tudu agensias na areas sima bairus di EJ, Sidadis Gateway, Inisiativas di Renda Baxu y Moderadu, y Servisus di Traduson ti final di AF2023” Bom kumprimentu pa kumpanha rizultadus – estabelesi objetivus y midi prugresu na direson a es objetivus.		
58	Mididas	Dispezas y otus atividadis debi ser komunikadu tantu na total komo em rilason a total di dispezas pa tudu kumunidadi y na grupus kumunitáriu		
Autoridadid di Rikursus Hidrikus (MWRA) (Pagina 140)				

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
59	Mididas	Dispezas y otus atividades debi ser komunikadu tantu na total komu em rilason a total di dispezas pa tutu kumunidade ou grupus kumunitáriu		
Otus Kumentáriu				
60	Involvimentu di Kumunidade	Modi ki publiku ta involve funsionarius di Estadu y munisipal pa trabadja ku kumunidades di EJ y konsigui ajuda?		
61	Involvimentu di Kumunidade	Konsidera justisa linguistika pa divulgason na kumunidades ku diversidadi linguistika antis di aprovason di prujetus		
62	Populason di EJ	Modi ki MA EJC disidi sobri kumunidades di EJ versus populasons di EJ ki é afetadu pa alterasons klimatikas; poluison pa nutrientes; expozison kimika toxika y rizidus munisipal ki é geridu pa MassEEA?		
63	Involvimentu di Kumunidade	Kuze ki signifika Stratégia di EJ na vida real? É importanti ki agensias di Estadu y sis grupus di atuason dizempenha um papel di proximidade ku munisipius pa enkoraja pisoas a obi y tem impaktu na sis vida.		
64	Kumprimentu di Lei	Modi ku stratégia di EJ ta bem ser aplikadu, partikularmenti a nivel di sidadis?		
65	Rikursus di Estadu	Konsidera um finansiamentu pa kumunidades di EJ simelhanti a iniciativa di Justisa 40.		
66	Rikursus di Estadu	Importanti mostra dizenbolsi di fundus di EJ pa kumunidade.		
67	Involvimentu di Kumunidade	Konsidera posibilidadi di paga kumunidades pa partisipa na ason di lisensiamentu y otus asons di agensias através di subsidius di asistensia teknika ou di um programason ki seja adaptadu a kada rigion.		
68	Populason di EJ	Unidades habitacional planeadu a presus asesivel é konsideradu pa EJ? Kapitulu 40b? 40r? Ka kazu afirmativu, modi ki ta inklui nos futuruz vizinhos di EJ nes disizon? Modi ki nu podi inklui perspektiva di EJ na DHCD? Pur izemplu, kuandu ki sta planiadu empreendimentu habitacional asesivel djuntu areas di trafigu ilevadu, nu podi involvi MEPA sedu nes debate?		
69	Kumité di Agensias di EJ	Tem di izisti um midjor kordenason entre es diversuz asons di envolvimentu di EJ entre agensias di Estadu y munisipius e distritus.		

ID	Topiku	Kumentáriu di Stratégias di EJ	(a) Inklui (b) Rimovi (c) Inklui ku Modifikason (Mandatóriu)	Notas di Diskuson y Disizon (Opsional)
70	Involvimentu di Kumunidade y Definisions	Ditirmina modi ki pulitika di ERJ podi traduzi pa rezidentis médius y pa “pisoas vizinhas” – intendi termo di EJ y modi ki ta afeta sis vida. Inluindu atualizason di termo di EJ.		
71	Involvimentu di Kumunidade	Agencias mesti di preni a adapta a kumunidade, a opozison a kumunidade preni trabadja ku agencias. Inxina públiku modi ki agencias ta funsiona ta aprsi ser um primeur pasu.		
72	Involvimentu di Kumunidade	É importante transmiti kontiúdu y impaktus di um prujetu, a fim di implementa envolvimentu efektivu di kumunidade y informason di kumunidade. É importante tambe ki agencias kumpanha forma modi ki kondison di lisensiamentu ou lokalizason é ifetivamente implementau y si es kondison atingi rialmente objetivu.		
73	Kumité di Agencias di EJ	Alguns dipartamentus/agencias tinha ideia máz ilaborado – ta bem ser partilhado entri dipartamentos?		
74	Rikursus di Estadu	Kal ke orsamentu asociadu a envolvimentu di kumunidade?		
75	Rikursus di Estadu	Sklaresi si agencias tem funcionarios y rikursus pa lidera trabadju di dizenvolvimentu kumunitáriu y toma posi di sforsus.		
76	Involvimentu di Kumunidade	Tem txeu informason stóriu ki podi atxadu na nos seniors ki vivi na nos kumunidade di EJ, Modi ki nu sa ta aborda nos idozus ki pasa pa karikaturas di EJ na sis bairus? Será ki nu teni um planu pa txiga na nos idozu? Ka nu konsentra so na tecnologia sim a websites pa asedi a informason, as vez ta da pa obtem informason si badu diretamentii Konsehu munisipal sobri envelhesimentu.		

“Matriz di Mididas”

Izisti um gama interesante di stratégias di EJ diliniadu pa diferentis sikretariadus y agensias. Agensias ou sikretariadus podi preni ku kumpanheru, adotandu medidas artikuladu pa agensias irmã di forma máz adikuadu a sis respetivu mison. Na kuadru aseguir sa aprizentadu matriz di mididas (mensurável) ki també sa diskritu na dokumentu kompeletu di stratégia di EJ di EEA.

Matriz di Stratégias di EJ di EEA

Stratégias di EJ ki é mensurável

Mididas / Agensias	CZM	MEP	MEPA	OTA	MDAR	DCR	DEP	DFG	DER	DPU	EFSB	MassCEC	MWRA	
\$ Interpretason ou Traduson	X	X	X	X	X	X	X	X	X	X	X	X	X	Mididas Global di EEA
\$ Projetu pa Kumunidades di EJ	X	X	X	X	X	X	X	X	X	X	X	X	X	
# Formasons di EJ na EEA	X	X	X	X	X	X	X	X	X	X	X	X	X	
Kontratason Demografiku	X	X	X	X	X	X	X	X	X	X	X	X	X	
# Riunion Publiku di EEA na Bairus di EJ	X	X	X	X	X	X	X	X	X	X	X	X	X	
# Dokumentus Traduzidu; Situasons di Interpretason		X	X		X									Mididas Spisifikus di Agencia ou Sikretariadu
Asuidadadi di kulaboradoris na formasons di EJ		X												
# Projetus na/pertu kumunidades di EJ			X			X		X		X				
# Projetus di mitigason di EJ			X											
# Formasons públiku sobri prusedimentus y modi ki ê partisipason			X											
Vizitas a lokal na kumunidades di EJ				X										
Kuantidadi di poluison riduzidu na kumunidades di EJ				X										
Disizons di Finansiamentu na kumunidades di EJ				X										
# Pididos di traduson y Kumprimentu					X					X	X			
# Novus kandidatus na EJ / BIPOC					X									
Pididso di Informason y kexas pa kontatus di EJ								X						
# Sinal atualizadu di marisku								X						
# Pididos di adaptasons auditivu y vizual											X			
# Kumentarius pozitivus ou negativus sobri interpretason y traduson											X			
Estabelesi objetivus di dispezas, subsidius, rikursus												X		